



因方
 武
 三

武
 328
 9



月 廿 日
第 528
卷 3

海內

同治

三因極一病證方論卷之三

小文

叙痺論

夫風濕寒三氣雜至合而為痺雖曰合痺其用自殊
風勝則為行痺寒勝則為痛痺濕勝則為著痺三氣
襲入經絡入於筋脉皮肉肌骨入而不已則入五藏
凡使人煩痛喘而吐者是痺客於肺煩心上氣嗝乾
恐噫厥脹滿者是痺客於心多飲數小便小腹痛如
懷姙夜卧則驚者是痺客於肝善脹尻以代腫脊以
代頭者是痺客於腎四肢解墮發咳嘔沫上為大塞
者是痺客於脾又有腸痺者數飲而小便不利中氣

森氏開萬
冊府之九

海內

喘急時發，殭泄。又胞痺者，小腹按之內痛，若沃以湯，澁於小便，上為清涕。又六府各有俞，風寒濕中其俞，而食飲應之，故循俞而入，各舍其府，治之隨其府俞，以施針灸之法，仍服逐風濕寒發散等藥，則病自愈。太抵痺之為病，寒多則痛，風多則行，濕多則着，在骨則重，而不舉，在脉則血凝，不流，在筋則屈，而不伸，在肉則不仁，在皮則寒，逢寒則急，逢熱則縱。又有血痺，以類相從，附于此門。外有支飲，作痺，見痰飲門。

合痺治法

附子湯 治風濕寒痺，骨節疼痛，皮膚不仁，肌肉重着。

四肢緩縱

附子

生去皮

白芍藥

桂心

甘草

白茯苓

人參

各三分

白朮

一兩

右為剉散，每服四錢，水二盞，煎七分，去滓，食前服。

黃芪五物湯 治尊樂人骨弱肌重，因疲勞汗出，卧不時動搖，加以微風，遂作血痺，脉當陰陽俱微，尺中少，緊身軀如風痺狀。

黃芪

芍藥

桂心

各等分

右為剉散，每服四大錢，水二盞，姜五片，棗三枚，煎七分，去滓，食前服。

黃芪酒 治風濕寒痺舉身腫滿疼痛不仁飲食惡冷
瀼瀼惡寒曾中痰滿心下塞○方見中風門

歷節論

夫歷節論疼痛不可屈伸身躄瘰其腫如脫其痛
如掣流注骨節短氣自汗頭眩温温欲吐者皆以風
濕寒相搏而成其痛如掣者為寒多腫滿如脫者為
濕多歷節黃汗出者為風多顧病源所載飲酒當風
汗出入水遂成斯疾原其所因雖涉風濕寒又有飲
酒之說自屬不内外因亦有不能飲酒而患此者要
當推求所因分其先後輕重為治久而不治令人骨

節蹉跌變為癩病不可不知

歷節治法

芍藥知母湯治諸肢節疼痛身躄瘰脚腫如脫頭
眩短氣温温欲吐

桂心 知母 防風 各四兩 芍藥 甘草 炙

麻黃 去節 附子 炮去皮臍 各三兩

右為剉散每服四錢水一盞姜五片煎七分去滓

空腹服一法有白朮川芎杏仁半夏

烏頭湯治病歷節痛不可屈伸

烏頭 煎取一分去烏頭 甘草 麻黃 去節

芍藥 黃芪

右為劉散每服四錢水二盞煎至七分去滓投前
蜜煎一合空腹温服千金有老姜桂心大棗無黃
芪麻黃治寒疝腹中絞痛賊風入腹攻五藏拘急
不得轉側叫呼發作有時使人手足厥冷

附子八物湯治風歷節四肢疼痛如槌鍛不可忍

附子

炮去皮臍

乾姜

炮

芍藥

茯苓

甘草

炙

桂心

各三兩

白朮

四兩

人參

三兩

右為劉散每服四大錢二盞煎七分去滓食前下
方去桂心用乾地黄二兩

獨活寄生湯最治歷節風近人用之甚效亦治腰背

痛及脚氣流注

方見腰痛門

叙脚氣論

夫中風寒暑濕與脚氣皆漸頓淺深之不同中風寒
暑濕得之頓而淺脚氣得之漸而深以其隨藏氣虛
實寒熱發動故得氣名其如循經絡入腑臟證候雖
不一然三陽多熱躁三陰多熱煩亦可類推但脚氣
不專在一經故與中風寒暑濕為異耳兼有續生諸
病混雜多端未易分別治之須尋其經絡病證所在
去處然後以脈察其虛實淺深為治假如三陽經其

診多在足外踝及手背三陰經其診多在足內踝及臂內以此粗分陰陽可知大槩矣其如風寒暑濕性用各各不同所謂風為行寒為痛暑為煩濕為著乃不刊之說千金方論與董氏顛門類皆蹈襲舊說似難憑據唯留心斯道者必有至當之論焉

叙千金論

千金論脚氣皆由感風毒所致多不令人即覺會因他病乃始發動或奄然大悶經三兩日方乃覺之庸醫不識謾作餘疾治之莫不盡斃緣始覺甚微食飲嬉戲氣力如故惟卒起脚屈弱為異耳及論風毒相

貌云夫有脚未覺異而頭項臂膊已有所苦諸處皆悉未知而心腹五內已有所因或見食嘔吐憎聞食臭或腹痛下利或大小便秘澁或胃中衝悸不欲見光明或精神昏憤語言錯亂或壯熱頭痛或身軀酷冷疼煩或覺轉筋或腫或胼脹頑痺或時緩縱不隨或彼百節變急或小腹不仁皆謂脚氣壯貌也乃至婦人產後取涼多中此毒其熱悶掣縱驚悸心煩嘔吐氣上臍下冷痞幅幅然不快兼小便淋瀝不同生平皆是脚氣之候頑弱為緩風疼痛為濕痺右件千金節文但備叙諸證不說陰陽經絡所受去處亦不

分風濕寒熱四氣及內藏虛實所因後學從何為治
若一向信書不若無書為愈此之謂也

脚氣脈證

脚氣證狀固多但當以脈診分其陰陽使无差互所
謂脈浮為風緊為寒緩細為濕洪數為熱見於諸陽
病在外宜發散之愈沉而弦者亦為風沉而緊者為
寒沉細為濕沉數為熱見諸陰病在裏宜溫利之愈
外證自汗走疰為風勝無汗疼痛變急為寒勝腫滿
重着為濕勝煩渴熱頑為暑勝四氣兼有但推其多
者為勝治之當以諸證互辨而分表裏寒則溫之熱

則寒之在表則散在裏則下若太虛氣之間作補湯
隨病令熱而用之不可拘不得服補藥

叙太陽經脚氣證

病者頭痛目脫項強腰脊連脊樞猶髀外出外踝之
後循京骨至小指外側皆痛者乃足太陽膀胱經為
風寒暑濕流注自汗者為風勝無汗疼痛為寒勝熱
頑為暑勝重着腫滿為濕勝諸經皆當如此推凡太
陽經宜隨四氣發散愈

太陽經脚氣治法

麻黃左經湯治風寒暑濕流注足太陽經手足變痺

行步艱難增寒發熱無汗惡寒或自汗惡風頭疼
眩暈腰重關節痛

麻黃去節 乾葛 細辛 白朮切米 茯苓

防己 桂心不見火 羌活 防風 甘草炙各

右為麤末每服四錢水二盞姜三片棗一箇煎七
分去滓空腹服自汗去麻黃加桂芍藥重着加木
橘皮無汗減桂加杏仁澤瀉所加並等分

陽明經脚氣證

病者悽悽寒熱呻欠口鼻乾腹脹脾腠中循筋外
藥下足跗入中指內間皆痛者乃足陽明胃經為風

寒暑濕流注之所為四氣偏勝並如上說治之宜隨
四氣微剝之

陽明經脚氣治法

大黃左經湯治風寒暑濕流注足陽明經使腰脚痺
痛行步艱難涎潮昏塞大小便秘澁腹痛嘔吐或
後下利惡聞食氣喘滿有息或自汗譫妄

大黃蒸 細辛去苗 茯苓 防己 羌活

黃芩 前胡 枳殼炒 厚朴去皮剉

甘草炙 杏仁炒去皮

右剉散每服四大錢水盞半姜三片棗一箇煎七

分去滓空服熱服，腹痛加芍藥，秘結加阿膠，喘加桑白皮，紫蘇，小便秘加澤瀉，四肢瘡痒浸淫，加外麻所加並等分。

荷葉蒙本湯治脚脛生瘡，浸淫，腿膝膿汁淋漓，熱痺痛痒。

乾荷葉

四張

蒙本一分

右為劉散，以水二斗煎減五升，去滓溫服得所，淋瀝仍服，前大黃左經湯佳。

少陽經脚氣證

病者口苦善太息，脇痛面垢，躄无膏澤，頭領目兌皆

痛，欬逆，脊膝下馬力腫，自汗振寒，發熱，曾中，脇肋髀膝外，至肘絕骨外，踝及諸節指皆痛者，乃足少陽經為風寒暑濕流注之所，為四氣偏勝，例如前說治之，宜隨四氣和解。

少陽經脚氣治法

半夏左經湯治足少陽經為風寒暑濕流注發熱，腰脇痛，頭疼眩暈，嘔吐宿汁，耳聾，驚悸，熱悶，心煩，氣上喘，滿肩息，腿痺，緩縱不隨。

半夏

湯去滑

乾葛

細辛

白朮

茯苓

桂心

不見火

防風

乾姜

炮

黃芩

小草

甘草炙 柴胡 麥門冬去心各三分

右劉散每服四大錢水一盞半姜三片棗一個煎七分去滓空腹服熱悶加竹瀝每服半合喘滿加杏仁桑白皮

料簡三陽并合脚氣

三陽經有并有合如太陽并少陽少陽并陽明陽明并太陽三陽合病皆於經絡中推攷其診隨證治之所謂并者二經相并合者三經會合以此強分使名義易曉不必論其一二

三陽并合脚氣證治

病者憎寒壯熱自汗惡風或无汗惡寒暈眩重着關節掣痛手足拘攣疹痛冷痺緩縱不隨心躁氣上嘔吐下利此皆三陽經中風寒暑濕其脉必浮弦緊數大料神祕左經湯治風寒暑濕流注足三陽經手足拘攣疼痛行步艱難憎寒發熱自汗惡風頭眩腰重關節掣痛或卒中昏塞大小便秘澀或腹痛嘔吐下利惡聞食臭髀腿頑痺緩縱不隨熱悶驚悸心煩氣上臍下冷痺喘滿有息

麻黃去節 乾葛 細辛 厚朴姜製 茯苓
防已 枳殼剉炒 桂心 羌活 防風去叉

柴胡 黃芩 小草即遠志苗 白姜炮 半夏湯洗去滑

甘草 麥門冬去心各等分

右剉散每服四大錢水盞半姜三片棗一個煎七分去滓空腹服自汗加牡蠣白朮去麻黃腫滿加澤瀉木通熱甚無汗減桂加橘皮前胡升麻肢痛吐利去黃芩加芍藥附子炮大便秘加大黃竹瀝喘滿加杏仁桑白皮紫蘇所加等分凡有此病詳認證狀逐一加減無不愈者常服下氣消痰散風濕退腫進飲食令人不虛江南諸師固秘此方雖父子兄弟不傳學者當敬用之

如味敗毒散治三陽經脚氣流注脚蹠上煖熱赤腫寒

熱如瘡自汗惡風或無汗惡寒

羌活 獨活 前胡 柴胡 枳殼麸炒去穰

桔梗 甘草炙 人參 茯苓 川芎 大黃蒸

蒼朮米泔浸各等分

右剉散每服四大錢水盞半姜三片薄荷一頭煎七分去滓熱服不過二服愈皮膚瘙癢赤疹加蟬蛻煎

太陰經脚氣證治

病者腹滿交咽連舌系急胃膈痞滿循胫骨下股膝

內前廉內踝過核骨後連足大指之端內側皆痛者
乃足太陰脾經為四氣流注之所為也四氣偏勝並
如前說治之各隨其氣所中輕重溫散之

六物附子湯治四氣流注於足太陰經骨節煩疼四
肢拘急自汗短氣小便不利惡風怯寒頭面手足

時時浮腫

附子炮去皮

桂心各四兩

白朮三兩

甘草炙二兩

防已四兩

茯苓三兩

右剉散每服四錢水二盞姜七片煎七分去滓溫服

少陰經脚氣證治

病者腰脊痛小指之下連足心循內踝入跟中上腓
內出腠中內廉股內皆痛上衝胃咽飢不能食面黑
小便淋閉咳唾不已善恐心惕惕若人將捕之狀小
肢不仁者難治足小陰腎經為四氣流注之所為也
四氣偏勝並如前說治之各隨其氣所中輕重而溫
之

八味圓治少陰腎經脚氣入肢小肢不仁上氣喘急

嘔吐自汗此證最急以腎乘心水尅火死不旋踵

牡丹皮

澤瀉

茯苓

各三兩

附子

炮去皮

桂心 各二兩 山茱萸 山藥 各四 熟地黃 八兩

右為末煉蜜圓梧子大每服五十元温酒米湯食前送下

厥陰經脚氣證

病者腰脇偏疼從足大指連足趺上廉上臑至內廉循股內陰氣抵小腹夾臍諸處脹痛兩脚攣急嗌乾嘔逆洞泄者是厥陰肝經為四氣流注之所為也四氣偏勝並如前說治之各隨其氣所中輕重調理之神應養真丹治厥陰肝經為四氣進襲肝藏左癱右瘓涎潮昏塞半身不遂手足頑麻語言蹇澁頭旋

目眩牙關緊急氣喘自汗心神恍惚肢躄緩弱上攻頭目下注脚膝榮氣凝滯遍身疼痛兼治婦人產後中風角弓反張隨車落馬打撲傷損瘀血在內

當歸 酒浸 天麻 川芎 羌活 白芍藥

熟地黃 各等分一法无羌活入木瓜熟阿膠等分

右為末蜜圓如雞子黃大每服一圓木瓜兔絲子浸酒下脚痺薏苡仁浸酒下中風温酒米湯下

料簡三陰并合脚氣

傷寒三陽有并合三陰無并合藏腑不同故也亦自

不妨傳變脚氣則不然以久滯藏氣隨其虛實寒熱而流注故病多并合不可不知

三陰并合脚氣治法

抱龍圓治肝腎藏虛風濕進襲流注腿膝行步艱難漸成風濕脚氣足心如火上氣喘急小腹不仁全

不進食

赤小豆四兩 畧炒

五靈脂

白膠香

破故紙炒

狗脊火去毛

木鱉子去殼

海桐皮

歲靈仙

地龍炒

草烏

米泔浸三日 淨洗去皮尖

右各一兩為末酒糊為丸如梧子大辰砂為衣每

服五十圓空心鹽酒任下

川膝煎治肝腎虛為風寒濕毒所中流注腿膝歷節

疼痛如錐力鍛刺不可名狀

大烏頭

十個端正者 槌破以紙袋盛用烏豆一 日取出去皮尖

牛膝

二兩去 芦穰乾

右二味並不得見銅鐵器及火與白木白擣碎牛

膝再入石磨中磨為末酒糊丸梧子大每服四十

圓用无灰酒一瓶中樣木瓜一个切作片入瓶中

煨木瓜爛為度用此酒下不拘時候然肝氣惡鐵

忌則有之不見火且此好事者妄忌且如烏頭牛

膝採時豈一向陰乾也

十全丹治脚氣上攻心腎相繫定心隱痛小腹不仁

煩渴小便或秘或利關節攣痺疼痛神效不可具

述

菴蓉 酒浸 石斛 酒浸 狗脊 火去 草薺

茯苓 牛膝 酒浸 地仙子 遠志 去心炒 各一兩

熟地黄 三兩 杜仲 去皮剉 炒三兩

右為末蜜元梧子大每服五十九丸温酒鹽湯任下

乳香宣經圓治躄虛為風濕寒襲四氣相搏半身不

遂手足頑麻骨節煩疼足脛浮腫惡寒發熱漸成

脚氣肝腎不足四肢攣急遍身攻注或閃肋打撲

內傷筋骨及風邪內搏男子疝氣婦人經脈不調

常服活血止痛補虛壯筋骨

歲靈仙 洗去芦 烏藥 去木 茴香 炒 川練子 剉炒

牽牛子 炒 橘皮 去白 草薺 防風 各二兩

五苓脂 乳香 各半兩 草烏 黑豆一合同煮竹

秤半兩 去皮焙

右為末酒糊丸梧子大每服五十元鹽酒鹽湯任

下婦人醋湯下食前

大犀角圓治脾腎經脚脛腫痺小膜頑麻上攻頭面

通身洪腫小便不利上氣喘滿悶絕欲死

犀角鎊 黃芩 旋覆花 白朮 桂心不焙

防已各二兩 香豉畧炒 橘皮 茯苓各三兩

前胡 桑白皮各四兩 紫蘇莖葉四兩

右為剉散每服四錢水一盞半姜五片棗兩枚煎七

分去滓食前喘加杏仁

四蒸木瓜圓治肝腎脾三經氣虛為風寒濕搏着流

注經絡竭目曠歲治療不痊凡遇六化更變七情

不寧必至發動或腫滿或頑痺增寒壯熱嘔吐自

汗上

蕨靈仙苦亭麋同入

黃芪續斷同入

蒼朮橘皮同入

烏藥去木與黃松節同入

右各半兩以大木瓜四個切蓋去穢入前件藥仍

用蓋簪定酒洒蒸熟三蒸三曬取藥出焙乾為末

研瓜為膏搜和搗千杵圓如梧子大每服五十元

空心温酒塩湯任下世傳木瓜丸最多惟此方有

效當敬之黃松節即茯苓中木

疰毒湯治肝脾腎三經為風濕寒熱毒氣上攻陰陽

不和四肢拘攣上氣喘滿小便秘澁心熱煩悶遍

身浮腫脚弱

半夏四兩湯洗 薏苡 甘草炙 當歸 人參

厚朴製姜汁 獨活 橘皮各一兩 熟地黄 芍藥

枳實麩炒去穢 麻黃去節湯各二兩 桂心不焙三兩 具子二十

右為剉散每服四錢水一饑半姜七片棗三個煎

七分去滓空心溫服日三夜一

脚氣惣治

千金脚氣論在諸風之前良有以也方論雖多識病者少或覺之傷晚或狐疑不決枉死者半信不証矣凡有此證最宜急治緩則入腹攻五藏雖神丹亦无如之何又久患續生諸病如大小便不利腫滿飲食

傷等不妨別別為治所謂先去新病病當在後若惣而治之則亦庶乎其可也

烏藥平氣湯治脚氣上攻喘滿及五藏偏勝諸氣不

和喘咳奔衝坐卧不安頭暈脚弱上實下虛

烏藥去木 人參 白朮 川芎 當歸

伏神去木 甘草炙 白芷 木瓜乾 五味子

紫蘇子各等分

右為剉散每服四錢水一饑半姜五片棗兩枚煎七分去滓溫服或作細末湯點下

紫蘇子湯治脚弱上氣陰陽交錯清濁不分上重下

虛中滿喘急嘔吐自汗无_レ獲紀律千金云宋湘王
在南州患脚氣困篤服此得效

紫蘇子 畧炒 半夏 湯洗各五兩 前胡 去苗 厚朴

去皮 甘草 炙 當歸 各二兩 桂心 不見火

橘皮 各三兩

右為剉散每服四錢水二錢姜七片棗兩個煎七
分去滓食後服人謂俞山人降氣湯是也好事者
後加附子黃芪又改其分兩亦班入太醫方用者
宜知之

木瓜牛膝圓治寒濕脚氣冷濕下注脚弱无力或腫

急疼痛兼治婦人血風大固腎氣活血壯筋絡

木瓜 大者三四个切開蓋去穰先用糯米漿過鹽

定蒸三次 焙乾為末却將鹽末入瓜內令滿仍用蓋針

爛研作膏 川烏 大者去皮尖用无灰酒一升

牛膝 酒浸 草薢 茴香 炒 羌活 青皮

青鹽 別研入 狗脊 燎去毛 巴戟 海桐皮 九件各

右為末入青鹽和勻將前二膏搜為丸如硬再入

酒杵數千下圓梧子大每服伍十九食前塩湯塩

菜萸圓治脚氣入腹腹脹不仁喘悶欲死

吳茱萸 湯洗 木瓜 去穰切

右等分爲末，酒糊丸。如梧子大，每服五十丸，至二百丸，酒飲任下。或以木瓜蒸爛，研膏爲丸，尤妙。

黑附圓 治乾濕脚氣

附子八錢重 去皮臍 黑豆半斤入菴瓶內漫火 煮以附子爛爲度

右熟豆一合同附子，研爲餅，焙乾，爲末，煉蜜爲丸。如皂角子大，每服兩圓，空心麝香酒嚼下。

木通散 治脚氣服補藥太過，小便不通，淋閉，膝下脹

當歸 梔子仁炒 赤芍藥 赤茯苓 甘草生各一兩

右爲散，每服三錢，水一盞煎七分，去滓服。

白皮小豆散 治脚氣小便澁，兩脚腫氣脹

赤小豆半升 桑白皮二兩 紫蘇一握 生姜兩半 右剉散，水三升煮豆熟，取豆食，去滓，仍取餘汁飲之。

勝駿圓 治元氣不足，真氣虛弱，及諸虛寒濕氣，進襲

手足拳攣，脚指連脚面拘急，走注疼痛，筋脉不伸，行步不隨，常服益真氣，壯筋骨，黑髮鬚，滑皮膚，一切足弱，鶴膝諸風。

附子一枚炮 去皮臍 當歸酒浸 一宿 天麻酒浸 牛膝酒浸 酸棗仁炒 熟地黄酒浸 防風去叉各 二兩 木瓜四兩

乳香半兩 別研 麝香一分 別研 全蝎去毒 木香

沒藥別研 羌活 甘草炙各一兩

右件為細末，用生地黄三斤，淨洗，研爛如泥，入無灰酒四升，煮爛如膏，以前藥勻和，并令堅，每兩作十圓，每服一丸，細嚼臨睡酒下。地黄膏春夏極多，遇冬或無，地黄只煉蜜為丸，如梧子大，每服五十丸，鹽湯溫酒下。

加減法

續柳 草薺 茯苓酒浸 破故紙炒 巴戟去木

右五味各添一兩，內熟地黄當歸各減一兩，亦妙。

如服此藥五七月，或半月，自見效甚速，行步如飛，千里可至，乃名勝駿。

換腿圓 治足三陰經虛為風寒暑濕進襲痺緩弱

上攻曾脇肩背下注脚膝疼痛漸成風濕脚氣行步艱難足心如火上氣喘急全不進食。

石南 天南星炮 石斛酒浸 牛膝酒浸

羌活 薏苡仁炒 防風去又芦 草薺

黃芪蜜炙 天麻 當歸酒浸 續斷各兩半

木瓜四兩 續柳二兩半

右為末，酒煮麪糊為丸，如梧子大，每服五十九空。

心溫酒盞湯任下

三因極一病證方論卷之二

終

三因極一病證方論卷之四

叙傷風論

經云春傷風夏殄泄此乃四時之序也或表中風在
經絡中循經流注以日傳變與傷寒無異但寒泣血
無汗惡寒風散氣有汗惡風為不同仲景正以此格
量太陽經傷寒傷風用藥不同而纂集者不識門類
遂雙編二證使後學混濫卒不知歸甚者以傷風暑
濕時氣疫疹凡曰太陽病者皆謂之傷寒晉人不經
類皆如此固不足道但名義乖錯惑於後世不可不
與之辨今別立傷風一門於四淫之前且依先哲以

太陽為始分注六經學者當自知

傷風證治

足太陽膀胱經傷風有汗惡風不惡寒頭項強腰脊痛以其脉從巔入絡腦還出别下項循肩膊内俠脊抵腰中故太陽諸證如是治之宜桂枝湯

桂枝湯治太陽傷風脉陽浮陰弱榮弱衛強頭痛鼻

鳴乾嘔發熱自汗惡風或煩熱汗出則解有如瘧

狀脉浮洪虛大者

桂枝去皮

芍藥

各一兩半

甘草

炙一兩

三右咬咀每服五錢水一盞半煎八分去滓食前服

溫覆令遍身微汗愈或發汗漏不止惡風小便難

四肢拘急者加熟附子一分或項背強兀兀及汗

出惡風者加葛根一兩三錢或汗出後身疼痛脉

沉遲者加芍藥生姜各半兩人參一兩半或下後

脉促胃滿者去芍藥若微寒乃加附子或下後頭

項強痛翕翕發熱無汗心下滿微痛小便不利者

去桂加茯苓白朮各一兩半太陽外證未除而數

下之挾熱利不止心下痞硬表裏不解加入參一

兩或下之微喘者加厚朴六錢三字杏仁十七粒

因燒針令汗針處被寒核起而赤必發奔豚灸其

核各一粒加桂一两與服因燒針煩躁者去芍藥
減桂一两牡蠣龍骨各一两可代救逆湯
足陽明胃經傷風口燥煩渴自汗嗜卧身重小便難
以其脉俠鼻絡目下膈屬胃絡脾俠臍入氣街故陽
明證諸如是治之宜杏子湯

杏子湯治陽明傷風能食口苦咽乾腹滿微喘發熱
惡風自汗嗜卧身重小便難潮熱而嘔而脉浮弦
長而數悉主之

- 杏仁去皮尖 半夏湯去滑 五味子各二錢半 芍藥
- 桂心 細辛 乾姜炮 大黃蒸 甘草各二錢

茯苓四錢

右吹咀每服四錢水一盞半煎至七分去滓食前服

足少陽膽經傷風身熱惡風自汗項強脇滿以其脉
起於目兌骨上抵頭角交出入缺盆下膈絡肝
循脇裏出氣街合髀厭中故少陽諸證如是治之宜
柴胡加桂湯

柴胡加桂湯治少陽傷風四五日身熱惡風頸項強
脇下滿手足温口苦而渴自汗其脉陽浮陰弦或
發汗多亡陽譫語可以此和其榮衛通其津液自

愈

柴胡 一兩 三錢

半夏

湯去滑四 錢一字

甘草

炙三錢 一字

芍藥

黃芩

人參

桂 各半 兩

右以咀每服五錢匕水一盞半姜五片棗一箇煎七分去滓食前溫服

足太陰脾經傷風自汗曾滿腹痛四肢倦怠以其脈入腹絡胃上膈俠咽連舌本散舌下故太陰諸證如是治之宜桂枝芍藥湯

桂枝芍藥湯治太陰傷風自汗咽乾曾腹滿自利不渴四肢倦怠手足自溫其脈弦大而緩者

桂心

半兩

白芍藥

三兩

右以咀每服五錢匕水一盞半姜三片棗一個煎七分去滓溫服腹痛甚者加大黃一兩

足少陰腎經傷風口燥舌乾咽痛曾滿心煩自汗腰連脰骨酸痛以其脈貫脊屬腎上貫肝膈入肺中循喉嚨俠舌本故少陰諸證如是治之宜桂附湯

桂附湯治少陰傷風曾滿心煩咽喉痛自汗腰疼連脰骨酸痛嘔吐涎沫頭痛其脈沉強者

附子

生去皮臍

桂心

乾姜

芍藥

甘草 炙

茯苓

桃仁

去皮尖麩 炒各一兩

右吹咀每服四錢水二盞煎七分去滓食前服或
咽喉痛加桔梗

足厥陰肝經傷風自汗惡風而勗小腹急滿以其脈
循股入毛中遷陰器抵小腹俠胃絡膽布脇與督脈
會故厥陰諸證如是治之宜八物湯

八物湯治厥陰傷風惡風而勗自汗小腹急痛寒熱
如瘧骨節煩疼其脈尺寸俱微而遲者

桂心 當歸 川芎 前胡 防風各三 甘草炙

茯苓各半

右吹咀每服四錢水一盞半姜五片棗三個煎八

分去滓食前服

叙傷寒論

論云冬傷於寒春為溫病以冬不即病其寒毒藏於
風府之上至春溫煖之氣發而為病故曰溫病或愈
或死死則六七日間愈則多出旬日之外世號為大
病要當隨此經絡傳變仍以脈證別之乃可施治治
傷寒法蓋盡於此至晉集仲景論於太陽經出麻黃
桂枝二方治傷寒傷風并錄預備救失加減之法甚
詳至陽明少陽與三陰經傷風證治則蔑聞矣故知
仲景只就太陽一經格量二病令勿差互編集既不

論辨後學情無所知昏瞶典墳千有餘載畧不加省
良可嘆息今輒提其六經傷寒合用對治諸方以為
宗兆其如壞證治去除各見本門外編集于後使皂
白印分初不敢取諸曾臆盖有所本於聖經也

傷寒辨正

內經論傷寒惟說足三陰三陽六經傳受愈否日數
及各隨其藏府經絡流注去處而證以行汗下并兩
感脈應病形而已至張長沙以伊尹湯液作治法兼
述傷風暑溫等詳畧不同格量互頭使後學學隅而
反至音不解其義隨行編集遂行於世此後蹈襲者

不可勝計所謂百問證治提綱目錄撮要備全治人
書傷寒論乃至圖形指脈皆剝採晉集初無反隅雖
有意於廣傳皆未明其義類緣晉集不識偏正以此
類預備之方雜於正治而正治之方多所簡脫故使
典籍愈繁後學固封不削繁無罔知樞要因別論于
後

傷寒證治

足太陽膀胱經傷寒頭項強腰脊痛無汗惡寒其經
絡流注去處與傷風同但脈浮洪緊數為異耳惟足
太陽寒水為諸陽主氣故寒先傷之

麻黃湯治太陽傷寒脈浮緊而數頭痛身疼發熱惡寒無汗曾滿而喘者

麻黃去節 桂心各一兩 甘草炙半兩 杏仁二十粒

右以咀每服五錢水一盞半煎八分去滓食前服覆取微汗夏則加知母半兩石膏一兩黃芩一分或汗出後無大熱而喘者去桂加石膏四兩

小青龍湯治寒傷表未解心下水氣乾嘔發熱而欬或渴或利或噎或小便不利小腹滿而喘者

麻黃去節 細辛去苗 乾姜炮 甘草炙

桂心 芍藥各三兩 半夏湯去滑 五味子各二兩半

右以咀每服五錢水二盞煎八分去滓食前溫服噎者去麻黃加熟附子一錢若小便不利小腹滿者加茯苓一錢喘者加杏仁七枚去皮尖溫粉凡發汗不欲多多則亡陽宜用此粉撲之即愈效如神

白木

藁本 川芎 白芷

右為末每末一兩入米粉三兩和勻撲之

大青龍湯治太陽中風傷寒脈緊發熱惡寒身疼不汗出煩渴或脈浮緩身不疼但重乍有輕時或傷寒見風脈風見寒脈

麻黃去節 三兩 桂心 芍藥炙各 一兩 杏仁去皮尖 一兩

石膏一兩

右為劉散每服五錢匕水一饒半姜五片棗一箇煎七分去滓食前服

足陽明胃經傷寒身熱目痛而鼻乾不得卧不惡寒腹滿咽乾口燥而渴其脉流注與傷風同以陽明主肉故次傳之

大承氣湯治陽明傷寒脉長身熱不惡寒目疼鼻乾不得卧腹滿咽乾渴大便硬譫語或汗後脉沉實或下利心下堅或已經下其脉按之浮沉尚有力

者 大黃酒洗 半兩 芒消一分別 研入 厚朴姜製 一兩 枳實一分別 炒去穢

右為鹿末每服五錢水二盞煎八分去滓入消再煎服若脉遲而滑汗出身重時發潮熱并得病二三日無太陽證煩躁心下硬下利後譫語者去芒消名小承氣或發汗不解蒸蒸發熱温温欲吐曾中痛大便反澹及吐利後腹脹厥煩譫語去厚朴枳實入甘草半兩芒消一分煎名調胃承氣或結熱膀胱如狂狀下血小腹急結者去厚朴枳實加桃仁十二箇桂甘草各半兩消一分名桃核承氣

大柴胡湯治證狀大畧與大承氣湯同輕則柴胡重則承氣

柴胡

四兩

黃芩

赤芍藥

各一兩半

半夏

湯去滑一兩一分

枳實

麩炒一分

右為鹿末每服三大錢水一盞半夏五片棗一枚煎八分去滓食後溫服若內熱裏實身熱疼痛是表證未解不可服

足少陽膽經傷寒曾脇痛耳聾口苦咽乾往來寒熱目眩乾嘔其脉流注與傷風同以少陽主膽屬半表裏故三傳之

小柴胡湯治少陽傷寒脉弦或沉緊往來寒熱曾脇

善滿默默不欲食心煩喜嘔或渴腹痛或脇下痞鞅或心悸小便不利或咳有微熱亦有不渴不嘔者又治婦人傷風傷寒經水適斷發熱惡熱晝自明夕暮則譫語此為熱入血室其血必結故使如瘧狀得七分熱除脉遲身涼曾滿譫語如結曾狀前刺期門隨其實而取之投此湯即愈又太陽病不解轉入少陽并陽明傷寒脉又弦浮身自悉黃小便難潮熱時噦

柴胡

二兩

半夏

湯去滑六錢一字

黃芩

人參

甘草

炙各三分

右為劉散每服五錢水一盞半生姜五片棗一枚煎七分去滓食前服若腹痛去黃芩加芍藥三分心下悸小便不利加茯苓一兩若不渴則有微熱去人參加桂三分若咳嗽去棗加五味子三分乾姜半兩胃中煩不嘔者去半夏加栝蒌根一兩脅中痞澀去棗加牡蠣一兩若過經不解日肺發熱已而微利加芒消一兩

足太陰脾經傷寒手足溫自利不渴腹滿時痛咽乾其脈流注與傷風同治之各有正方

浴中湯治太陰傷寒手足溫自利不渴腹滿時痛咽

乾其脈尺寸俱沉細

人參 乾姜 炮 白朮 甘草 炙 陳皮 青皮

右劉散每服四錢水一盞半煎七分去滓食前服

五積散治太陰傷寒脾胃不和及有積聚腹痛

蒼朮 酒浸一宿二十兩 桔梗 十兩 陳皮 六兩 白芷

甘草 炙 各三兩 當歸 二兩 川芎 半兩 芍藥

白茯苓 半夏 湯去滑 各一兩 麻黃 去節春夏二

乾姜 春夏兩兩 枳殼 湯浸去穢 秋冬三兩 厚朴 姜製長炒

桂心 春夏三兩 秋冬四兩

右先將前十二味，以酒微炒，令香，取出，當風涼之。入後，枳殼、桂、朴三味，同為細末，每服三錢，水一盞，姜三片，棗二枚，煎七分，食前溫服。傷寒，手足逆冷，自汗不止，脈沉細，面青，嘔逆，加順元散一錢，同煎。熱服。產婦陣踈難產，經三兩日，不生胎，死腹中，或產母氣乏，委頓，產道乾澀，加順元散水七分，酒三分，煎，相繼兩服。氣血內和，即差。胎死者，不過三服。當下。其順元散多少，量產母虛實，加減。傷寒發熱，依內寒者，加葱白二寸，豉七粒，同煎，相繼服，當以汗解。

順元散

烏頭炮去皮尖二兩

附子炮去皮臍

天南星炮各一兩

木香兩半

右為末，同前法煎。此藥治內外感寒，脈沉伏，遲細，手足冷，毛髮怕慄，傷寒陰證，大嘔，一二盃，氣和汗出，即愈。

足少陰腎經傷寒，口燥舌乾，而渴，背惡寒，反發熱，倦息，其脈流注，與傷風同。

附子細辛湯治少陰傷寒，口中和，而背惡寒，又發熱，倦息，自汗，而渴，其脈尺寸俱沉，而緊者。

麻黃去節

細辛

附子炮去皮臍各半兩

右麻末每服四錢水一盞半煎七分去滓食前服
手足厥者去麻黃細辛加乾姜半兩甘草一分或
口燥舌乾而渴宜急下之

足厥陰肝經傷寒煩滿發熱惡寒往來如瘧或囊縮
小腹急痛其脈流注與傷風同本論用小建中湯方見是

麻黃桂枝各半湯治厥陰傷寒煩滿發熱惡寒往來
如瘧或囊縮其脈尺寸俱微緩者主之若脈沉短
其囊必縮急以大承氣下之可保五死一生承氣
湯乃利陽明藥耳若病到厥陰其勢已甚蓋陽明
養宗筋為熱毒所攻乃以承氣湯瀉其能養故利

陽以救陰此猶假虞伐虢圍魏救趙之意也

桂心四錢 芍藥 麻黃去節 杏仁十二箇

甘草炙各半兩

右麻末每服五錢水一觥半煎八分去滓食前服

入姜棗煎亦得

大承氣湯 方見足陽明經

小建中湯 方見九痛門

傷寒傳變次序

內經熱論論傷寒云大陽為諸陽主氣傷寒必先自
大陽始至漢諸師凡外所因皆曰大陽病未為義

足太陽寒水其位居辰辰為六氣化原故丙辛道起
戊子至辰為壬辰水而太陽正化居焉在天為寒在
地為水寒喜濕水故寒必首傷太陽以此例推寒既
自太陽入風當自少陽入濕當自陽明入經曰陰為
之主陽與之正別於陽者知病從來別於陰者知死
生之期此之謂也或問傳變次序當如何邪然陰陽
流行出入次序固有定說及其中病或喜以或成虛
或成兩感或守一經其所拘也但當以脈證分別陰
陽表裏盛衰為治尤不可以日數期也

料簡

論曰有汗不得服麻黃無汗不得服桂枝切忌不得
誤若寒證見風脈風證見寒脈却以麻黃桂枝各半
湯古人治傷風熱多寒少惡風脈浮緊無汗用青龍
湯蓋先傷風而後傷寒風證尚在而寒脈已行故有
是倫也若先傷寒而後傷風寒多熱少不煩躁微厥
脈當浮緩弱而自汗即傷寒見風脈但青龍緊暴不
若各半湯平和无悔各諸經皆倣此

六經傷寒用藥格法

夫傷寒始自太陽逆傳陽明至于厥陰而止六經既
別治法不同太陽屬膀胱非發汗則不愈必用麻黃

生于中牟雪積五尺有麻黃處雪則不聚蓋此藥能
通內陽氣却外寒也陽明屬胃非通泄則不愈必用
大黃芒消以利之少陽屬膽無出入道柴胡與半夏
能利能汗佐以子苓非此不解太陰屬脾中州土也
性惡寒濕非乾姜白朮不能溫燥少陰屬腎性畏寒
燥非附子則不能溫厥陰屬肝藏血養筋非溫平之
藥不能潤養此經常之道也後學不知倫類妄意進
餌遂致錯亂諸證蜂起天傷人命可不究辨且三陽
病汗下和解人心知之至太陰脾經溫燥不行亦當
溫利自陽明出如溫脾圓用大黃者是也少陰腎經

雖用附子後使麻黃則知少陰亦自太陽出厥陰用
桂自少陽出明矣及其二陽鬱閉皆當自陽明出故
三陰皆有下證如少陰口燥咽乾下利清水太陰腹
滿時痛厥陰舌卷囊縮皆當下之學者宜審詳不可
卒易投也

溫脾圓治久病虛羸脾氣弱食不消喜噫

- 黃藥 大麥蘖 炒
- 吳茱萸 桂心 乾姜 炮
- 細辛 附子 炮去 皮脂
- 當歸 大黃 蒸
- 神麩 炒
- 黃蓮 各一兩

右為末蜜和圓如梧子大每服三十九空腹酒飲

任下

三陽合病脉證治

三陽有合病三陰无合病所謂三陽合者有太陽陽明有少陽陽明自太陽傳至陽明頭疼腰痛者太陽也肌熱目痛鼻乾者陽明也尚惡寒脉必浮大而長浮者太陽脉也長者陽明脉也當隨證調之本太陽證因發汗多則譫語屬陽明故有太陽陽明也少陽證未罷猶當和解不可便作陽明下之
葛根湯治太陽病項背強兀兀然无汗惡寒并治三陽合病自利方

葛根 一兩

麻黃 三分去節

桂心 半兩

甘草 炙

芍藥 各半兩

右剉散每服五錢匕水一觥半姜五片棗十枚煎七分去滓食前温服三陽合病不下利但嘔者加半夏六錢

兩感證論并治法

兩感傷寒者表裏俱病也一日太陽與少陰俱病頭痛口乾咽滿而渴二日陽明與太陰俱病腹滿身熱不食譫語三日少陽與厥陰俱病耳聾囊縮而厥兩病俱作治有先後先宜救裏藏氣內正急宜攻表救

丙固宜急而表亦不可緩也救裏解表各隨諸證而善用之自非精妙甄別其孰能與於此也

四逆湯治少陰傷寒自利不渴嘔噦不止或吐利俱發小便不利或汗出過多脉微欲絕腹痛脹滿手足冷及一切虛寒厥冷凡病傷寒有此證候皆由陽氣虛有寒雖更覺頭痛身疼發熱惡寒四肢拘急表裏悉具者未可攻表宜先服此藥以助陽救裏

甘草炙一分 乾姜炮二錢 附子炮去皮臍半兩
右剉散每服五錢匕水一盞半煎七分去滓食前

服強人加乾姜一錢或惡寒脉微而利利止仍亡血者加人參半兩或發汗若下之病仍不能解煩躁者仍加茯苓半兩面赤者加連翹葱九莖腹中痛者去葱加芍藥一兩嘔者加生姜一兩咽痛者去芍藥加桔梗半兩

兩感治法料簡

桂枝麻黃皆攻太陽經表藥方各見太陽經其如陽明太陰少陽厥陰並可於風寒二方論中隨證施治

陰毒證治

陰毒為病手足冷腰背強頭疼腹痛或煩渴精神恍

惚額與手背時出冷汗音聲鄭重爪甲面色青黑多
因脾腎虛寒伏陰重感於寒所致

附子散治陰毒傷寒唇青面黑身重強四肢冷或因

服冷藥過度心腹脹滿昏沉不識人

附子炮去皮三分 桂心半兩 當歸 白木各三兩

半夏湯洗去滑 乾姜各一分

右為末每服三錢水二盞生姜三片煎六分不以
時熱服衣覆取汗

返陰丹治陰毒傷寒心神煩燥頭痛四肢逆冷面青
腹脹脈沉伏者

硫黃通明五兩別研 消石別研 太陰玄精各二兩別研

乾姜炮 桂心各半兩 附子炮各半兩

右用鐵鉢先鋪玄精次下消石各一半中間鋪硫
黃末又將二兩餘末蓋上以小盞合著熟炭火三
斤燒令得所勿令煙出急取瓦盆合著地上四面
灰蓋勿令煙出候冷取出研細入後藥為末同研
勻米糊圓如梧子大每服二三十丸煎艾湯下頻
服汗出為度未退乃大著艾炷灸臍下丹田氣海
更不退則以葱啗熨之

葱啗熨法治氣虛陽脫躄冷无脉氣息欲絕不省人

事及傷寒陰厥百藥不效者
葱一束以索纏如餅餠大去根葉唯存白長二寸
許先以火煨一面令通熱勿至灼人乃以熱處着
病人脐下上以熨斗盛火熨之令葱餅熱氣透入
腹中更作三四餅遇一餅壞不可熨即易一餅候
病人醒手足溫有汗乃差更服四逆湯良

陽毒證治

陽毒為病躁熱面赤咽痛身斑色如錦紋下利赤黃
內外結熱舌焦鼻黑類如煙煤妄言狂走多因腸胃
燥熱陽氣獨盛陰氣暴絕妄服燥藥熱食所致

升麻湯治陽毒傷寒一二日便成陽毒或服藥吐下
後變成陽毒腰背痛煩悶不安面赤狂言或走或
見鬼或下利面赤斑斑如錦紋咽喉痛下膿血脈
大浮數五日可治七日不可治

升麻 半兩
犀角屑 射干 黃芩 人參
甘草 炙各一分

右為剉散每服五錢匕水一盞煎七分去滓熱服
併進三四服溫覆汗出為度

梔子仁湯治陽毒傷寒壯熱百節疼痛

梔子仁 炒 赤芍藥 大青 知母 各一分 升麻

黃芩 石膏 杏仁去皮尖 各二兩 柴胡一兩 甘草多半兩
右剉散每服四大錢水一盞姜三片豉二十粒同煎七分去滓不以時服

結胸證治

結胸證者心下堅滿按之石鞭而痛心膈高起手不得近項強如柔瘥狀此本傷寒身熱醫下之早熱氣乘虛而入痞結不散之所致也若脈浮大皆不可下下之則死尚宜發汗若沉緊者宜以大小陷胸湯量輕重而下之又結胸有不按而痛者有按而痛者有水結在胸脇間但頭汗出者有熱實結者有寒實結

者治之不可不知其輕重也各有正方

大陷胸湯治傷寒表未解醫反下之膈內拒痛手不可近短氣煩躁心中懊憹心下鞭大便不通舌燥而渴熱實脈沉而緊又治身无大熱有水結在胸脇間者

大黃半兩 芒消四錢 甘遂半錢

右各為末水三盞先煮大黃至一盞入消煮鎔下甘遂末煮一沸分二服得利止

小陷胸湯治結胸病正在心按之則痛脈浮滑者

黃連一分 半夏湯洗去滑六錢 栝樓實不用四分之一

右為剉散水二觔先煎括樓至盡半入前藥煎至六分去滓分三服利黃涎沫即安

大陷胃圓治病發於陽而反下之熱入因作結胃以

下之太早故也其病項強如柔痙狀下之則和

大黃二兩 葶蘆炒 杏仁去皮尖炒 芒消各三分

右前二味為末將杏仁芒消合研為脂和藥取如彈子大一枚別杵甘遂末一錢匕白蜜一大匕水二盞煎至七分頓服之一宿乃下如不下更服取下為效甘遂性猛宜斟酌虛實入之

胃痞證治

胃痞證者胃中不和心下堅硬乾嘔惡寒汗出噫氣不除亦有因傷寒身冷醫及下之遂成胃痞

枳實理中圓治傷寒及諸吐利後胃痞欲絕膈高起

急痛手不得近

枳實去穢炒 茯苓 人參 白朮 乾姜炮

甘草炙各等分

右為末蜜和一两作四圓熱湯化下渴加括樓根下利加牡蠣粉各等分

桔梗枳殼湯治中寒氣痞胃滿欲死

桔梗 枳殼各一分

右為劉散每服五錢匕水一盞半煎七分去滓食前服

三黃湯治傷寒陰證下之太早致心下痞按之軟其脈關上浮者主之若表未解未可攻宜先隨風寒二證投桂枝麻黃湯表解已即服此方

大黃蒸 黃連 黃芩

右為劉散每服五錢沸湯二盞熱漬之一時以去滓分二服暖服或汗出惡寒加附子別煎汁入一合同服

半夏瀉心湯治心下痞滿而不痛者

半夏湯洗七次 黃芩 人參 甘草炙 乾姜

炮各一兩一錢 黃連半兩

右劉散每服五錢水盞半姜五片棗一箇煎七分去滓溫服或傷寒中風醫及下之利日數十行穀不化腹中鳴心下痞硬乾嘔心煩者加甘草半兩人參一兩名甘草瀉心湯或汗出解後胃中不和心下痞硬乾噎食臭膈下水鳴下利者加生姜一兩減乾姜一兩餘如正方名生姜瀉心湯

勞役證治

傷寒新差後不能將攝因憂愁思慮勞神而後或梳

沐浴浴依勞而後並謂之勞後或飲食不節謂之食
服此皆大病後精神血氣腸胃並虛之所致也論有
正方可依證調治唯犯房室為女勞後多死不治
白朮散治傷寒氣脈不和增寒壯熱鼻塞腦悶涕唾
稠粘痰嗽壅滯或目涉風溫增寒發熱骨節煩痛
或中暑嘔吐眩暈及大病後將理失宜食後勞後
病證如初悉主之又治五勞七傷氣虛頭眩精神
恍惚睡卧不寧肢躄倦怠潮熱盜汗脾胃虛損面
色痿黃飲食不美口吐酸水藏府滑泄腹內虛鳴
反胃吐逆心腹絞痛久瘧久利及膈氣咽塞上氣

喘促坐卧不安或飲食所傷脅膈痞悶腹脹
婦人產前產後血氣不和霍亂吐瀉氣厥不省人
事常服辟四時不正之氣及山嵐瘴疫神效不可
具述

白芷 甘草炒 青皮 陳皮 白茯苓 桔梗

山藥 香附去毛各三兩 乾姜半兩 白朮一兩

右為末每服二錢匕水一盞姜三片棗一箇木瓜
乾一片紫蘇二三葉煎七分食前服若吐瀉入白
梅煎喘入桑白皮杏仁煎傷寒勞後入薄荷膈氣
入木通三寸麝香少許中暑嘔逆入香薷產前產

後血氣不和入荆芥煎霍亂入藿香煎氣厥入鹽湯調下

陰陽易證治

陰陽易者其男子病新差未平復而婦人與之交接得病名曰陽易裏急腰膝連腹內痛婦人病新差未平復而男子與之交接待得病名曰陰易身重少氣陰腫入裏腹內絞痛熱上衝腎頭痛不欲舉眼中生華蓋男女病相換易故謂之陰陽易治

燒視散治傷寒陰易其人身身重少氣小腹裏急或引陰中拘攣熱上衝腎頭痛不欲舉眼中生華膝

脛拘急悉去之

婦人視襠燒灰

右細研以方寸匕水調服小便利陰頭痛即愈

假鼠糞湯治丈夫傷寒病後女人與之交接待病名陽

易

韭根去青一握約徑寸半 假鼠糞十四枚兩頭尖者是

右二味水一饑煎至半盞去滓溫溫頓服粘汗出為效未知再作

發斑證治

傷寒發斑者蓋不當下而下之熱則乘虛入胃當下

而失下則胃熱不得泄二者皆能發斑其狀如錦紋赤者易治黑者難治蓋熱毒入胃深也

玄參升麻湯治傷寒失下不當下而下之熱毒在胃發斑如錦紋甚則煩躁譫語兼治喉閉腫痛

玄參 升麻 甘草各半兩

右為剉散每服五錢匕水盞半煎七分去滓溫服溫毒亦能發斑

三因極一病證方論卷之四 終

